

海陽縣志卷五

輿地略四

川

韓江在郡城東源由汀贛循梅諸水匯於大埔三河循河南注至

豐順陷隍趨葛布塘入縣西北境樵溪水自西來注之

謹案廣東圖說烏石

汛下有松溪自西南來注之今烏石以下並無松溪之水惟上至豐順交界處有樵溪自西來溪北為豐順界溪南為海陽界以下

一派山嶺至松水塘圖說俱名樵溪山或者樵溪即松溪歟

又自西北趨東南經烏石塘至峙

溪十里峙溪水自東來注之

峙溪發源鳳山西流四十里至鯉魚山北入江上有十八潭水淺多石

至永濟橋以下始可通舟

又經松水塘至鯉魚山尾六里又屈東流四里轉南

流五里至曲灣塘曲灣水自西南來注之

謹案廣東圖說韓江經松水汛海陽山水自西

海陽縣志

卷五

輿地略四

一

南來注之今海陽山不知其處而自松水至曲灣等處其西南來者僅有曲灣塘水

又屈東南流十里至二

塘東岸登榮下約水自東北來注之

登榮都水一名鳳水又名鳳溪發源鳳山合登榮下約

諸山水匯於溪尾始可通舟西南流六七里至月潭分為二一北流繞溪口鄉後至沙洲一南流環塘埔湯頭趨沙洲合北流由龜

湖溝口入江 西岸葛後坑水自西來注之

葛後坑一名鉢壺坑源出羅厝寨前山坑

又東南

流十里至頭塘龍舌坑水自東北來注之

頭塘龍舌坑源出九郎山北赤水嶺下逕別峯

山至鳳棲塘入江

又東南流十里至東津鄉前繞郡城東折南下廣濟橋

至南門城角頭五里分一小流入南涵通三利溪其本流逕至鳳

凰洲分爲三大支曰西溪曰東溪曰北溪西溪逕洲右西南流四

里與東溪會又西南流六里至雲步又屈東南流十里至獨樹村

又南流八里至龍湖又五里至田頭隄轉而東流十二里至湖仔

洲復會東溪南流十六里至梅溪迤東分一流出澄界由大衙趨澄城南入海又轉東南二里再分一流由蛋家園至新港入海其本流由梅溪曲折循西南五里繞庵埠出澄界至漁洲又分爲二左一流由汕頭港入海右一流由深溝港及溪東港入海東溪循洲左西南流四里會西溪轉東南流十六里至急水門又東南流

三里至龍門關

龍門關西爲邑界東爲饒界東南爲澄界

金山溪水自東北來注之

謹案

廣東圖說有鵲塘水自東北來在急水汛上今考急水以上無溪出口惟龍門關有金山溪亦名鯉魚溝發源鵲塘內坑暘山經水南饒砂及饒屬之厚洋溪打等鄉入於東溪當卽此水也又東南流七里至蓬洞前分爲二

由南流循湖仔洲六里會西溪一由澄界東南流十里至沙尾溪分一流轉東二十里至東隴港會北溪其本流仍由澄界東南循

### 海陽縣志

### 卷五

輿地略四

一一

杜王洲分流入海北溪逕洲左自涸溪塔北畔東流十里至磷溪

鄉前九郎山水合白雲坊水自西北來注之

九郎山水源出石坑東南三十里至九郎

山麓南流合河內坑東來水經東津洗馬橋繞筆架山後會白雲坊水南入北溪

又東流七里秋溪水自

東北來注之

秋溪發源有二一出蓮花山由上下胡田厝寨經曾尾店梅州板嶺仔頭至石虎一出葫蘆西坑由烏樹

鋪蘇石溪至石虎上畔與蓮花山東來水合迤邐由岡山流至秋溪橋西入北溪

又屈東南流八里至蘇

寨前前埔水自東北來注之

前埔水源出蓮花山西行經田厝寨鹽水坑鋪頭埔至岳山分環山麓南

行合流至榮美鄉出水關入北溪

又轉東流八里至庵腳小溪水自東北來注之

小溪源出蓮花山西流經洪厝埔又南流至白沙寨又西流經東山寨至桂林寨復西南流環小溪鄉東南出水關入北溪

又

東流二里至長打出饒界東南流十里至澄界東隴會東溪由東

隴各港入海

據採訪冊修

國朝惠士奇韓江詩一曲清江繞郡流東洲雲起接西洲雨晴蝴蝶飛花圃日暮昏鴉集戍樓丞相祠前山似戟侍郎亭畔月如鉤木棉開徧芭蕉展

陸爾軾韓江晚泛詩一葉浮煙水去來秋色中沙黃將墜日潮白欲生風閒意如孤鷺高情入遠空此心無住處放棹任西東

謹案舊志於韓江水道記載未詳廣東圖說詳矣而多錯誤

故茲所錄不沿前說而惟以目前確有所見者綴於篇

三利溪在城西源由南門城角頭隄旁引韓江水入南涵過南門

前繞城西北至湖山新城下與北濠通俗名濠溝即三利溪匯

北濠水自新城下轉西南流迳新橋西至陳橋五龍塘水自東北

來注之

五龍塘水源由北隄統竹篙山以下諸水歷埔頭尾寮後至花園鄉合西湖山東南來之水繞龍舌埔南出陳橋入

三利溪 又西南流繞雲梯岡狗母涵水自東南來注之

狗母涵詳水

### 海陽縣志

### 卷五

輿地略四

三

謹案狗母涵源由南門隄頭引西溪水橫過春城樓此涵久塞惟自南廂猿頭埔起有水如帶曲折流至雲梯岡入三利溪俗名

官木溝實則官木溝水即狗母涵水也

又西流至徐厝橋下新溪水自北來注之

新

源由鳳山統百坵田諸山水歷雲里至新鄉前令北廂諸山坑水出大橋與西山溪會至西塘渡頭分東南流入三利溪 謹案西

塘渡入三利溪水道土 自徐厝橋下別分一流南出為楓溪繞楓

溪鄉南與狗母涵員潭涵諸水會

謹案徐厝橋下別分一流繞楓

慶甲戌年知府萬靈濬今塞然自楓溪大姐

其本流西行歷西塘

西山溪水自西北來注之

西山溪水即圖說所謂白芒洲水也發源吳全嶼合葫蘆田黃竹徑諸水東流

至田東墟世田水南來入之始可通舟又東北流繞白芒洲居西

溜水南來入之又東南流至山家前白水巖山水南來入之又至

關竹芋橫田水北來入之又東流至下鼓嶺橫溪水北來入之白墳山水西南來入之又東北行分一流過錫岡東埔其本流循三

山麓繞孚中鄉至西塘渡與北廂水會別分一流向 又西南流下

東南行人三利溪其本流則自長美橋上入三利溪

歸仁長美橋員潭涵水自東南來注之又西逕湖下渡至大和浮

岡前古巷楓洋諸山水自北來注之又折西南隄頭涵水自東南

來注之又經鳳岡鬣門山汛林白和安寨分一小流入鶴隴又經

林兜分一小流過陳謨入書圖隴又經淇園許隴美至玉窖橋

西橋

為揭界橋  
東為邑界

會中離溪水出揭界西南曲折流至楓口入海溪歷西

南廂歸仁大和諸都長四十餘里

陳白沙記作百一十五里未確

濬自宋知軍州

事王滌以灌海潮揭之田三邑利之故名明宏治初知府周鵬疏

其淤塞

李東陽三利溪記潮郡舊有三利溪蓋自海陽附郭而西歷潮陽揭陽以入於海其間迤邐曲折若干里三縣利之

溪以是名正統間大水為泥沙所堙天順中朝廷修大明一統志而名不載是其利之廢久矣宏治初永州周君萬里來知郡事病民之往來三縣者肩任背負利不償力環海而行則風濤不測乃詢諸父老得是溪議修復之命屬吏籍丁夫具畚鍤尺計日督以

### 海陽縣志

### 卷五

輿地略四

四

要其成自郭西至陳橋雲梯岡楓洋諸里水歸故道慮其縮而涸也浚南濠瀦瀦韓江之水以益之又築關置鍵以節啟閉使歷冬夏雖旱澇無虞於是耕者行者莫不稱便數十年之利復於一旦名仍其舊為三利溪云吾長沙去永不遠素知周君賢非苟焉塞吏責者而大理評事謝君有容輩謂是溪之利甚溥宜有所記予乃為之言曰易以利為四德之一凡卦之象川者必言利涉書陳六府始於水而三事亦稱利用利惡可廢哉顧淺於謀國者急功效傷本基則利未獲而已見其害如以水言固有壑鄰以召釁者於是孟子及史遷諸人皆以利害深戒夫聖人言之而賢人以下乃不屑道非以名同而實異故耶守令之職固以利民也民不能自遂必藉有驅策之者而後安故凡以佚道使民雖勞不怨也今玩事廢日一聽其所自為利以至於弊而不能救惡用守令為哉周君濬是溪深猷熟計蓋亦有鑒於此矣而今民猶昔其不曰勞我所以佚我者亦非情也君之功殆與溪水俱長矣夫陳獻章三利溪記古今學者不同孔子以兩言斷之曰古之學者為己今之學者為人古今仕者不同程子以兩言斷之曰古之仕者為己今之仕者為己古之人也今之人也一也判而兩之其不可同者如陰陽晝夜則有其故矣聖人之所以示人也知微之顯知顯之微學為己也其仕也為人學為人也其仕也為己斷無疑矣今守令稱賢於一邦利澤及於民民愛而樂之聞於我嶺南十郡之

內吾知其人者周潮州也潮陽郡也東南距大海望之渺漫接天  
習水者乘長風駕大舶出沒巨浪中小不支則有覆溺之患每歲  
漕運潮人共苦之潮州來守郡問潮父老所以便民者父老曰其  
惟三利溪乎潮五屬邑其三在郡治西南形若鼎立廣袤千里水  
曲折行其中而民共賴之者三利溪也是溪之長百一十五里東  
抵韓江西流入於港正統間湮於大水潮州濬而通之水由故道  
行東西注會同於海慮其冬旱而且涸也鑿郡城南溝引韓江水  
注於溪斃石爲關時而開閉之凡役民於畚鍤卑之爲溪也高之  
爲關也僅一月而成農夫利於田商賈利於行漕運者不之海而  
之溪辭白浪於滄溟謝長風於大舶於是潮之士夫與其父老拜  
郡門謝曰利吾潮者吾父母也吾子孫敢忘之由是觀之謂周潮  
州仕而爲人也非歟吏於潮者多矣其有功而民思慕之唐莫若  
韓愈入國朝來莫若王源驅冥頑之鱷造廣濟之梁其事顯於爲  
人不可誣矣今潮州以三利溪配之輝映後先稱賢於一邦也宜  
哉夫短於取名而專於求志薄於徼福而厚於得民菲於奉身而  
燕及煢嫠陋於希世而尚友千古黃涪翁之所稱者非濂溪先生  
歟潮州遺予書曰我故舂陵族也潮州之舉進士有聲郎秋官有  
聲守郡有聲其尚不忝其世也哉吾嘗贈之詩云楚中有孤鳳高  
舉凌穹蒼借問歸何時聖人在黃唐望之久不至歲晏涕淋浪九  
苞有遺種不覺羽翼長三年集南海使我今不忘逍遙棲桐枝長

# 海陽縣志

## 卷五

輿地略四

五

飲甘露漿吾生濂溪數百年之後思濂溪而不可得見見其族之  
雲仍若此者殆可與言矣然則區區所愛慕於周潮州者一關三  
利溪而已耶潮人相與立碑頌潮州之功遣生員趙日新來請文  
予以其事并詩記之俾潮之人知仕而爲人者有功不可忘而潮  
州之進未艾也潮州名鵬  
字萬里道州之永明縣人  
嘉靖閒復疏之水從隄涵洞入洞口斃

### 以石

詳南門涵

國朝順治十年春叛帥郝尙久拓之水漲決民居數百十閒西郊  
之田沙壅九月 大師克城改築爲直隄溪流又塞嗣濬復康熙

末年溪屢塞屢濬乾隆二十三年知府周碩勳知縣金紳合海揭

普潮四邑官紳重濬兩岸禦以灰隄

周碩勳重濬三利溪記溪在郡城之南有水自東南曲折

西北行通舟楫而溉田疇海揭潮三邑利之曰三利溪溪昉於宋  
州牧王滌厥後開塞不常明正統間大淤成化宏治中吾鄉前輩  
周公諱鵬者知府事重濬之又引韓江水以入於溪建閘以時啟  
閉卽今所謂涵洞是也嘉靖後屢疏屢塞 國朝康熙閒石文晟

李鍾麟皆前太守而勤於民者相繼疏濬溪賴以存自戊戌庚子  
疊遭江漲水挾沙橫流遂成斷港蓋四十有一年矣溯李君修復  
後僅數十載已委之荒榛蔓草頹沙積壅中倘不亟為濬治更遲  
之又久將行人莫辨父老茫然昧其跡而並忘其名以近在目前  
之川澮竟與九河故道同慨滄桑非惟此邦人之不幸抑亦司牧  
者之羞也余奉命來守是邦嘗於籃輿風日中周覽溪址慨然  
思復之謀諸觀察梁公總鎮明公僉曰善爰命海陽令金君董其  
役丁夫踴躍畚鍤雲集纜閱月而成父老歡呼疑有神助第兩岸  
沙土易坍塌昔陳白沙作碑記既而悔之以詩自嘲職此之故乃集  
眾議於兩岸築廡灰以護之而海揭潮普四邑士民之好義者皆  
樂輸恐後自西門弔橋至長美橋兩岸共長二千五百八十七丈  
五尺岸高露明六七尺入地三四尺下釘梅花樁兩岸免坍塌之  
患溪均挖面寬三丈底寬二丈深一丈及七八尺不等自己卯暨  
庚辰匝月而工竣計費若干緡其時涵洞亦以江漲潰裂縣令金  
君曰盍為一勞永逸計乃悉啟其舊址而重新之涵洞長四丈二  
尺外二丈一尺為外截曰陽涵高二丈六尺涵底寬二尺一寸面  
寬四尺三寸涵口左右鑿石安板便啟閉也又二丈一尺為內截  
曰陰涵高寬與外截稱左右為兩墩涵口兩旁為八字牆墩之北  
築磯以護涵皆如式凡六閱月而功成計費若干緡則金君所捐  
也憶丙子春時余守廉州駐羊城會鞠盜案一夕夢有人惠陳白

### 海陽縣志

### 卷五

輿地略四

### 六

沙集余手自繙閱見三利溪記會覺猶能憶其槩初不解其何謂  
閱旬日督撫會奏量移潮州可見天下事莫不有數存焉爰紀其  
始末如此  
是為記  
道光二十七年知府吳均再濬同治十年總兵方耀命

遊擊方鰲復去其淤然江水不漲舟楫亦僅至歸仁長美橋而不

### 達城下

據周志采  
訪冊修

國朝陳珏三利溪詩三利溪因舊道開石梁新跨釣魚臺幾回立  
斷垂楊影看取源源活水來一道縈紆繞郭西蘆兒初長水禽  
唳漁竿怪得紛紛集新漲朝來正拍隄潮通鯉渚達灣坳蕭寺  
門前忽叫呶十里篙聲商舶到酒家旗出木棉梢磯邊澣婦語  
君車騎過沿流還擬種芙蓉

中離溪在城西南東莆都東莆山前

東莆山  
即桑浦

距城三十五里

周志  
作四

十餘里

源出桑浦宗山書院遺址右

周志作源  
出龍溪

舊分兩溪東曰洲溪

西曰西溪二水弗通明嘉靖閒邑紳薛中離疏為一因名中離溪

薛侃開溪記略潮有二水自西北來東曰洲溪西曰西溪東南繞郡治之南二水迴流相錯弗通嘉靖丁亥冬予過其處察其可濬而通也以告府主王公子章公命經衛涂子相之具以事復遂依里甲分布鑿田濬渠造橋肇功正月二十四日越三月哉生魄功畢民喜呼其溪曰中離

萬厯間邑紳林熙春重疏之溪流乃深

熙林

春嗣濬中離溪記中離溪非古也濬自薛先生今稱數邑通渠云年久半塞民思載濬余集諸生條上下邑沈侯躬相便宜議報可遂發帑金八十六募化踰是丁戊春饑以濬寓賑深五尺遞差廣仍其舊延袤二千九百餘丈而輿梁修拓者三自是山川增秀人文宣洩甯獨泛海之風濤剽掠可免第昔也數月今也越歲昔也動眾今也以民窮而不役民則時事較難侯之利澤較永矣薛先生曰嗣濬利永昔既料有今日今又不能不望乎後人也

然溪雖疏為一而東西仍分兩流其

西流中離溪由東莆山前逕塔下隴頭至望跡橋北分一支流入洋東過山兜厯石門西林其本流逕翁厝橋至沙溪頭芝蘭坑水南來注之又行至龜山前分為二一北流此從西分北係西之支流過高厝洋

海陽縣志

卷五

輿地略四

七

生聚洋至登雲大亭前齋姑涵鄭厝涵佛母涵諸水各涵水所經俱詳水利

東來注之又自亭頭轉西北流至白沙湖橋分一小流入仁里又

轉西流至程畔分一小流逕唐畔賈里前此溪俗名十八曲與西經流合

由程畔北逕登雲上郭沈廉至仙溪院郭厝涵水東來注之郭厝涵所

經詳水利又轉西北至大和玉窖橋匯三利溪出揭陽界流至楓口入

海一西流此從西遞下係西之本流逕許邊鯤頭厯陳高樓高廈五嘉隴至賈

里前虎斑坑水南來注之又西北抵劉畔鄉出揭陽界流至礮臺

入海其東流中離溪由東莆山前循行至兵營橋下蔴竹坑水西

來注之兵營橋下又分為二一東流此從東分出係東之支流經上莆仙圃仙

樂與灌洋涵之水會灌洋涵水所經詳水利逕彩塘塘東驪塘至華美塢田

頭隄涵齋姑涵博士林涵鄭家涵仙樂涵洋中涵諸水諸涵所經俱詳水利

東來注之又南匯入龍溪黃慶橋由三十六灣東風旗合上蔡涵

梅溪涵海吉涵許隴涵大鑑關諸水諸涵關水所經俱詳水利流岐橋及水吼

橋出澄海雙溪口入海一東流此從東遞下係東之本流直達上莆宏安寨環

玉簡峯注永安湖俗名施厝內湖繞金沙寨通宮仔塢而瀦於梅林湖湖詳

水利由湖分數支貫注鳳隴東隴溜隴出岐橋其本流繞鳳廓合大

龍坑西來之水即竹筒溪水注鳳廓塢由通濟橋匯岐橋水同出澄海

舉汀關入海同上

謹案韓江自邑西北境而下一曲五里或十里里數確有可

稽至三利溪中離溪則一里一曲或一里數曲幾於紀不勝

海陽縣志

卷五

輿地略四

八

紀故韓江詳里數而餘皆略之